

KHUTBAH JUMAAT KHAS PADA 26 APRIL 2019
SEMPENA HARI TLDM KE 85
“ARMADA SIAGA TLDM PERKASA”

الْحَمْدُ لِلَّهِ نَحْمَدُهُ وَنَسْتَعِينُهُ وَنَسْتَغْفِرُهُ وَنَتُوبُ إِلَيْهِ . وَنَعُوذُ بِاللَّهِ مِنْ
شُرُورِ أَنْفُسِنَا وَمِنْ سَيِّئَاتِ أَعْمَالِنَا.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِسَانِهِ . وَأَشْهَدُ أَنَّ
سَيِّدَنَا مُحَمَّدًا عَبْدَهُ وَرَسُولَهُ. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا
وَنَبِيِّنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ.

أَمَّا بَعْدُ . فَيَا عِبَادَ اللَّهِ . اتَّقُوا اللَّهَ . أَوْصِيكُمْ وَإِيَّايَ بِتَقْوَى اللَّهِ.

فَقَدْ فَازَ الْمُتَّقُونَ. فَقَدْ قَالَ اللَّهُ تَعَالَى فِي كِتَابِهِ الْعَزِيزِ :

إِنَّ اللَّهَ اشْتَرَى مِنَ الْمُؤْمِنِينَ أَنْفُسَهُمْ وَأَمْوَالَهُمْ بِأَنْ لَهُمُ الْجَنَّةَ ۚ يُقَاتِلُونَ
فِي سَبِيلِ اللَّهِ فَيَقْتُلُونَ وَيُقْتَلُونَ ۖ وَعَدَا عَلَيْهِ حَقًّا فِي التَّوْرَةِ وَالْإِنْجِيلِ
وَالْقُرْآنِ ۚ وَمَنْ أَوْفَى بِعَهْدِهِ مِنَ اللَّهِ ۚ فَاسْتَبَشِرُوا بَبَيْعِكُمُ الَّذِي بَايَعْتُمْ بِهِ ۚ
وَذَلِكَ هُوَ الْفَوْزُ الْعَظِيمُ

“SESUNGGUHNYA ALLAH TELAH MEMBELI DARI ORANG-ORANG YANG BERIMAN AKAN JIWA MEREKA DAN HARTA BENDA MEREKA DENGAN (BALASAN) BAHAWA MEREKA AKAN BEROLEH SYURGA, (DISEBABKAN) MEREKA BERJUANG PADA JALAN ALLAH MAKA (DI ANTARA) MEREKA ADA YANG MEMBUNUH DAN TERBUNUH. (BALASAN SYURGA YANG DEMIKIAN IALAH) SEBAGAI JANJI YANG BENAR YANG DITETAPKAN OLEH ALLAH DI DALAM (KITAB-KITAB) TAURAT DAN INJIL SERTA AL-QURAN, DAN SIAPAKAH LAGI YANG LEBIH MENYEMPURNAKAN JANJINYA DARIPADA ALLAH?. OLEH ITU, BERGEMBIRALAH DENGAN JUALAN YANG KAMU JALANKAN JUAL

BELINYA ITU, DAN (KETAHUILAH BAHAWA) JUAL BELI (YANG SEPERTI ITU) IALAH KEMENANGAN YANG BESAR”.

(AT-TAUBAH 111)

SIDANG JUMAAT YANG DIRAHMATI SEKALIAN,

2. INSTITUSI KETENTERAAN MERUPAKAN SEBAHAGIAN DARI STRUKTUR SESEBUAH NEGARA. SEJAK DITUBUHKAN HAMPIR 85 TAHUN YANG LALU PERANAN TLDM TELAH MENGALAMI BEBERAPA EVOLUSI. PADA AWALNYA TLDM DIWUJUDKAN OLEH BRITISH SEBAGAI PERSEDIAAN UNTUK MENANGANI ANCAMAN KEBANGKITAN EMPAYAR JEPUN SEHINGGALAH TAMATNYA PERANG DUNIA KEDUA. KEMUDIAN TLDM TURUT MENGAMBIL BAHAGIAN DALAM MEMPERTAHANKAN NEGARA DI ERA KONFRANTASI, SETERUSNYA DI ZAMAN DARURAT, TLDM BERJUANG MENENTANG PENGGANAS KOMUNIS SEHINGGA MEREKA TEWAS SECARA RASMINYA PADA DISEMBER 1989. DISUSULI PULA OLEH ERA PERANG DINGIN, KERUNTUHAN EMPAYAR SOVIET UNION SETERUSNYA SENARIO GEO-POLITIK DUNIA HARI INI YANG SEMAKIN MENCABAR YANG MERENTASI SEMPADAN.

3 BERLATAR BELAKANGKAN PEREBUTAN KUASA BESAR, KETIDAK TENTUAN GEO-STRATEGIK, KEBANGKITAN KUASA BAHARU DUNIA, KEGANASAN DAN ANCAMAN BUKAN TRADISIONAL, DI TAMBAH PULA DENGAN WILAYAH LAUT ATAU KUASA TANGGUNGJAWAB YANG KEKUASAANNYA KIRA-KIRA DUA KALI GANDA DARI WILAYAH DARAT, KITA TURUT MENJAJARKAN SEMULA USAHA UNTUK MEMPERTAHANKAN KEDAULATAN DAN KEPENTINGAN MARITIM NEGARA BERASASKAN KEPADA DEFINISI KESELAMATAN YANG LEBIH KONTEMPORARI DAN MELUAS. PERANAN UNIK INI MASIH MENJADI TUGASAN UTAMA TLDM SEHINGGALAH KINI.

SIDANG JUMAAT WARGA TLDM,

4. MENYENTUH TENTANG TEMA SAMBUTAN HARI TLDM PADA TAHUN INI IAITU “**ARMADA SIAGA, TLDM PERKASA**”, MIMBAR INGIN MENINGATKAN BAHAWA KESIAGAAN MERUPAKAN OBJEKTIF STRATEGIK UTAMA YANG SENTIASA DIBERI PERHATIAN OLEH TLDM. MERUJUK KEMBALI TEKS UCAPAN PERUTUSAN ULUNG PANGLIMA TENTERA LAUT PADA 8 JAN 2019, DI MANA BELIAU TELAH MENGISYTIHARKAN TAHUN 2019 DAN 2020 SEBAGAI TAHUN UNTUK MENANGANI ISU KESIAGAAN ARMADA TLDM. TAHAP KESIAGAAN YANG TINGGI AKAN MENENTUKAN KEDAULATAN DAN KEPENTINGAN MARITIM NEGARA SENTIASA TERPELIHARA. KESIAPSIAGAAN TLDM DIUKUR BERDASARKAN KEPADA KESEDIAAN DAN KEUPAYAAN ASET UNTUK MELAKSANAKAN SEBARANG OPERASI DAN MISI YANG DITUGASKAN. MALAYSIA SEBAGAI SEBUAH NEGARA MARITIM DAN TLDM SEBAGAI SALAH SATU ELEMEN PENTING KUASA NEGARA TELAH DIUJI SECARA BERTERUSAN. CABARAN YANG BERASAL ATAU YANG BERKAIT RAPAT DENGAN IDENTITI MARITIM NEGARA INI DATANGNYA DALAM PELBAGAI BENTUK, BAIK DARI SEGI ANCAMAN KONVENSIONAL TERHADAP KEDAULATAN DAN KEUTUHAN WILAYAH HINGGALAH KEPADA ANCAMAN BUKAN KONVENSIONAL SEPERTI MENGEKANG KEGANASAN DAN JENAYAH MERENTAS SEMPADAN, KEPERLUAN MEMELIHARA KEPENTINGAN EKONOMI NEGARA, MENANGANI KEBANJIRAN PENDATANG ASING DAN MEMBANTU MANGSA BENCANA ALAM YANG MENIMPA NEGARA JIRAN. SUNGGUHPUN KITA BERJAYA MENANGANI CABARAN TERSEBUT DIMASA LALU, YANG PASTI CABARAN YANG KITA HADAPI SABAN HARI SEMAKIN RUMIT, SUKAR DIJANGKA DAN BERUBAH-UBAH BENTUKNYA.

5. PERLU DITEKANKAN JUGA BAHAWA KESIAGAAN ARMADA BUKAN SEMATA-MATA BERGANTUNG KEPADA KEUPAYAAN ASET, TETAPI IA JUGA MELIBATKAN MODAL INSAN YANG KOMPETEN DAN TERAMPIL. DALAM HAL INI, TAHAP PROFESIONALISME DAN KECEKAPAN ‘*THE NAVY PEOPLE*’ PERLU DIPERTINGKATKAN SESUAI DAN SELARI DENGAN PERKEMBANGAN DAN CABARAN SEMASA. HAKIKATNYA KITA KINI BERADA DI AMBANG REVOLUSI PERINDUSTRIAN YANG KE-4. SEHEBAT MANAPUN KEMAHIRAN PERALATAN YANG KITA MILIKI, IA BOLEH MENJADI LAPOK DAN TIDAK RELEVAN HANYA

KERANA PERUBAHAN TEKNOLOGI. DALAM LANGKAH KITA MENUJU MASA HADAPAN, KITA PERLU MEMBEBASAKAN DIRI DARI ISU-ISU PELANGGARAN DISIPLIN DAN ISU-ISU INTEGRITI DALAM KALANGAN WARGA KITA.

SIDANG JUMAAT *THE NAVY PEOPLE* YANG DIRAHMATI SEKALIAN,

6. DALAM KONTEKS “ARMADA SIAGA” INI, TLDM PERLU MEMBERI PERHATIAN KEPADA CIRI UTAMA IAITU **AL-AMIN** (AMANAH) DALAM DIRI SETIAP WARGA TLDM. DALAM HUBUNGAN KITA SEBAGAI INSAN MUSLIM, LEBIH-LEBIH LAGI SEBAGAI WARGA TLDM KITA MEMPUNYAI AMANAH YANG CUKUP BESAR BAGI MENENTUKAN ARMADA TLDM TERUS SIAP SIAGA BAGI MENJAMIN PERAIRAN DAN KEDAULATAN NEGARA SENTIASA TERJAMIN DAN TERPELIHARA. MERUJUK KEPADA FIRMAN ALLAH SWT DALAM SURAH AL-ANFAL: AYAT 27:

يَا أَيُّهَا الَّذِينَ ءَامَنُوا لَا تَخُونُوا اللَّهَ وَالرَّسُولَ وَتَخُونُوا أَمْنَتِكُمْ
وَأَنْتُمْ تَعْلَمُونَ ٢٧

MAKSUDNYA: “WAHAI ORANG-ORANG YANG BERIMAN, JANGANLAH KAMU MENGKHIANATI ALLAH DAN RASUL (MUHAMMAD S.A.W) DAN JANGANLAH KAMU MENGKHIANATI AMANAH-AMANAH YANG DIPERCAYAKAN KEPADA KAMU SEDANG KAMU MENGETAHUINYA”.

SELAIN DARI AMANAH SESAMA INSAN DAN ORGANISASI, JANGAN KITA LUPAKAN AMANAH YANG PALING UTAMA IAITU KEPADA ALLAH SWT SEPERTIMANA FIRMAN ALLAH SWT DI DALAM SURAH AL-MUDDATHIR AYAT 38 – 47:

كُلُّ نَفْسٍ بِمَا كَسَبَتْ رَهِيْنَةٌ ٣٨ اِلَّا اَصْحَابَ الْيَمِيْنِ ٣٩ فِي
جَنَّتٍ يَتَسَاءَلُوْنَ ٤٠ عَنِ الْمُجْرِمِيْنَ ٤١ مَا سَلَكَكُمْ فِي سَقَرٍ
٤٢ قَالُوْا لَمْ نَكُ مِنَ الْمُصَلِّيْنَ ٤٣ وَلَمْ نَكُ نُطْعِمِ الْمِسْكِيْنَ ٤٤

وَكُنَّا نَخُوضُ مَعَ الْخَائِضِينَ ٤٥ وَكُنَّا نُكَذِّبُ بِيَوْمِ الدِّينِ ٤٦
حَتَّىٰ آتَيْنَا الْيَقِينَ ٤٧

MAKSUDNYA: SETIAP ORANG BERTANGGUNG JAWAB ATAS APA YANG TELAH DILAKUKANNYA. KECUALI GOLONGAN YANG KANAN. BERADA DI DALAM SYURGA, MEREKA SALING MENANYAKAN. TENTANG (KEADAAN) ORANG-ORANG YANG BERDOSA. “APA YANG MENYEBABKAN KAMU MASUK KE DALAM (NERAKA) SAQAR?”. MEREKA MENJAWAB, “DAHULU KAMI TIDAK TERMASUK ORANG-ORANG YANG MELAKSANAKAN SOLAT. DAN KAMI (JUGA) TIDAK MEMBERI MAKAN ORANG MISKIN. BAHKAN KAMI BIASA BERBINCANG (UNTUK) TUJUAN YANG BATIL), BERSAMA ORANG-ORANG YANG MEMBICARAKANNYA. DAN KAMI MENDUSTAKAN HARI PEMBALASAN. SAMPAI DATANG KEPADA KAMI KEMATIAN.

7. UNTUK MENGGAPAI HASRAT DAN CITA-CITA MURNI TERSEBUT, ANTARA ASPEK YANG WAJIB DILAKSANAKAN OLEH KITA WARGA TLDM IALAH PELAKSANAAN RUKUN ISLAM YANG LIMA DENGAN PENUH KESUNGGUHAN. NABI MUHAMMAD SAW BERSABDA YANG BERMAKSUD: “ISLAM ITU DIBINA ATAS LIMA TIANG: BERSAKSI TIADA TUHAN YANG DISEMBAH DENGAN SEBENAR-BENARNYA MELAINKAN ALLAH DAN BERSAKSI NABI MUHAMMAD SAW PESURUHNYA, MENDIRIKAN SOLAT, MENGELUARKAN ZAKAT, MENGERJAKAN HAJI DAN BERPUASA DI DALAM RAMADHAN”. (HR BUKHARI DAN MUSLIM).

8. KESEMUA IBADAH TERSEBUT PERLU DILAKUKAN DENGAN BETUL DAN BERKUALITI DAN IANYA MAMPU MEMBINA INDIVIDU, KELUARGA DAN MASYARAKAT DAN ORGANISASI YANG CEMERLANG DAN UNGGUL. INI TELAH TERBUKTI DI ZAMAN PARA NABI DAN GENERASI TERDAHULU. GENERASI YANG TAAT. MEREKA MENDAULATKAN AJARAN ALLAH DAN RASULNYA DENGAN PENUH KETAATAN DAN AMANAH DI DALAM DIRI MEREKA. PENGHAYATAN AJARAN ISLAM OLEH GENERASI TERDAHULU MAMPU MENJADIKAN MEREKA UMAT YANG CEMERLANG, GEMILANG DAN TERBILANG, SERTA MENJADIKAN MEREKA PEJUANG YANG DIGERUNI DAN

MENJADI BENTENG YANG AMPUH DALAM PERTAHANAN DAN KEDAULATAN ISLAM DAN NEGARA.

9. DALAM USAHA UNTUK MEMASTIKAN TLDM TERUS SIAP SIAGA, WARGA TLDM PERLU MENYEDIAKAN DIRI DARI ASPEK MENTAL, FIZIKAL DAN ROHANI MELALUI PROSES KESIAGAAN DALAM SEMUA ASPEK DAN MENINGKATKAN TAHAP KEUPAYAAN MASING-MASING, MENEPATI SARANAN ALLAH SWT MELALUI SURAH AL-ANFAL AYAT 60:

وَأَعِدُّوا لَهُمْ مَا اسْتَطَعْتُمْ مِنْ قُوَّةٍ وَمِنْ رِبَاطِ الْخَيْلِ تُرْهَبُونَ بِهِ
عَدُوَّ اللَّهِ وَعَدُوَّكُمْ وَعَآخِرِينَ مِنْ دُونِهِمْ لَا تَعْلَمُونَهُمُ اللَّهُ يَعْلَمُهُمْ
وَمَا تُنْفِقُوا مِنْ شَيْءٍ فِي سَبِيلِ اللَّهِ يُوَفَّ إِلَيْكُمْ وَأَنْتُمْ لَا تُظْلَمُونَ
٦٠

MAKSUDNYA: DAN PERSIAPKANLAH DENGAN SEGALA KEMAMPUAN UNTUK MENGHADAPI MEREKA DENGAN KEKUATAN YANG KAMU MILIKI DAN DARI PASUKAN BERKUDA YANG DAPAT MENGGENTARKAN MUSUH ALLAH, MUSUH-MUSUH DAN ORANG-ORANG SELAIN MEREKA YANG KAMU TIDAK MENGETAHUINYA; TETAPI ALLAH MENGETAHUINYA. APA SAJA YANG KAMU INFAKKAN DI JALAN ALLAH NESCAJA AKAN DIBALAS DENGAN CUKUP KEPADAMU DAN KAMU TIDAK AKAN DIZALIMI (DIRUGI-KAN).

10. BERTEPATAN DENGAN AMANAH YANG SEDANG DIPIKUL, WARGA TLDM TIDAK BOLEH SAMA SEKALI BERKOMPROMI DENGAN SEBARANG ELEMEN YANG BOLEH MEMPORAK-PERANDAKAN KESATUAN SEDIA ADA. KITA PERLU BERSAMA-SAMA BERSATU TEGUH SERTA MEMPUNYAI SEMANGAT SETIAKAWAN YANG TINGGI. WARGA TLDM PERLU PROFESIONAL, BERKETRAMPILAN DAN PERLU MENGHAYATI DAN MEMPUNYAI *ATTITUDE, SKILL AND KNOWLEDGE* DI TAHAP MEMBANGGAKAN.

TUAN-TUAN SIDANG JUMAAT YANG DIKASIHI,

11. GAGASAN RAHMATAN LIL ALAMIN ADALAH PENDEKATAN BESAR YANG DI BAWA PIHAK KERAJAAN KE ARAH MEWUJUDKAN SEBUAH NEGARA 'RAHMAH', YANG SELARI DENGAN MAQASID SYARIAH ATAU OBJEKTIF SYARIAH IAITU MENJAGA AD-DIN (AGAMA), MENJAGA AKAL (KEAMANAN), MENJAGA JIWA (NYAWA), MENJAGA KETURUNAN (KEHORMATAN DAN KEDAULATAN) DAN MENJAGA HARTA (ASET SERTA KEPENTINGAN NEGARA DAN KERAJAAN). SAYA MENYERU SELURUH WARGA TLDM KHUSUSNYA SEMPENA HARI TLDM KE-85 INI UNTUK KITA SAMA-SAMA MENGHAYATI FIRMAN ALLAH SWT DI DALAM SURAH AL-ANBIA 107:

وَمَا أَرْسَلْنَاكَ إِلَّا رَحْمَةً لِّلْعَالَمِينَ ١٠٧

MAKSUDNYA: DAN TIADALAH KAMI MENGUTUSKAN ENKAU (WAHAI MUHAMMAD), MELAINKAN UNTUK MENJADI RAHMAT BAGI SEKALIAN ALAM.

TUAN-TUAN SIDANG JUMAAT YANG DIRAHMATI ALLAH,

12. MENGAKHIRI KHUTBAH, MIMBAR INGIN BERPELAN KHUSUSNYA WARGA TLDM SEKALIAN. MARILAH KITA SAMA-SAMA UNTUK MENINGATI DIRI KITA KEMBALI BAHAWA KITA ADALAH PENDOKONG, KITA ADALAH PEJUANG, KITA ADALAH PAHLAWAN DAN KITA ADALAH BENTENG PERTAHANAN NEGARA. PEMEGANG AMANAH, MENJAGA KESUCIAN AGAMA, KEHORMATAN BANGSA DAN KEDAULATAN NEGARA TERCINTA INI.

13. SAYA MENYERU, MARILAH KITA SAMA-SAMA MEMPERTINGKATKAN KEIMANAN DAN SENTIASA BERTAWAKAL SERTA BERKHIDMAT DENGAN PENUH KEIKHLASAN DENGAN PENUH AMANAH BERTERASKAN AJARAN ISLAM YANG SYUMUL. INGAT!!! KEUTUHAN ARMADA TLDM TERLETAK DI ATAS TANGGUNGJAWAB UNTUK MENYUSUN ATUR (ORGANISE), MELATIH

(TRAIN) DAN MENYELENGGARA (MAINTAIN) SEBUAH ANGKATAN LAUT SEBAGAI SALAH SATU KOMPONEN ANGKATAN TENTERA MALAYSIA.

SEMOGA SEGALA AMAL BAKTI DAN KERJAYA KITA INI DIKATEGORIKAN SEBAGAI AMAL KHAIR DISISINYA. FIRMAN ALLAH DALAM SURAH AL-BAQARAH AYAT 216:

كُتِبَ عَلَيْكُمُ الْقِتَالُ وَهُوَ كُرْهٌ لَّكُمْ وَعَسَىٰ أَن تَكْرَهُوا شَيْئًا وَهُوَ خَيْرٌ لَّكُمْ وَعَسَىٰ أَن تُحِبُّوا شَيْئًا وَهُوَ شَرٌّ لَّكُمْ وَاللَّهُ يَعْلَمُ وَأَنْتُمْ لَا تَعْلَمُونَ ٢١٦

MAKSUDNYA: DIWAJIBKAN ATAS KAMU BERPERANG, PADAHAL BERPERANG ITU ADALAH SESUATU YANG KAMU BENCI. BOLEH JADI KAMU MEMBENCI SESUATU, PADAHAL IA AMAT BAIK BAGIMU. DAN BOLEH JADI (PULA) KAMU MENYUKAI SESUATU, PADAHAL IA AMAT BURUK BAGIMU; ALLAH MENGETAHUI, SEDANGKAN KAMU TIDAK MENGETAHUI.

بَارَكَ اللَّهُ لِي وَلَكُمْ بِالْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ الْآيَاتِ
وَالذِّكْرِ الْحَكِيمِ، فَتَقَبَّلَ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ، يَقُولُ
الرَّسُولُ صَلَوَاتُ اللَّهِ وَسَلَامُهُ عَلَيْهِ "التَّائِبُ مِنَ الذَّنْبِ كَمَنْ لَا ذَنْبَ لَهُ،
التَّائِبُ مِنَ الذَّنْبِ حَبِيبُ الرَّحْمَنِ" تَوَبُوا إِلَى اللَّهِ أَيُّهَا الْمُؤْمِنُونَ لَعَلَّكُمْ
تُفْلِحُونَ. فَيَا فَوْزَ الْمُسْتَغْفِرِينَ وَيَا نَجَاةَ التَّائِبِينَ.